

Voci ène rikète ki vos n' alèz nèn vîre à l' vinte dès rèliques dèl

## SABENA

Èt dîre ki ça z-a ène boune cinkantinne d' âdje èt k' c' è-st-ène oridjinâle pintûre !



Ène miète racafougnê pa lès ans, agnîye pa lès soris èt palîhe pau solia, èle arève co d' kwè ratinri

sakants nèn roviyeus keûrs. (cârton, mèseures : 60 dsus 80 cintimètes.)

**On a bau n' è sawè k' wêre**, on n' va nèn è conèxhe di pus dsus l' istwêre do Walon Mowaedje. L' Institut Djules Dèstrêe vént dèl mète ètîre dsus ène CD-plake, C' èst bén. L' aroke c' èst ki vos faut mète 171 Uros dsus l' tâve po l' awè !!! Deur-deur !

**On va bén rade è nd' aler voter** èt lès politikeus n' ratenenut nèn on passaedje dins l' posse à z-imaedjes èt d' î dîre c'ki duvrève (?) nos lès fé xhoûter. A Èrvé Mèyon, Èlio Di Rupo s'a cofèssî : "Po l' télé, i faut ièsse è foûme. L' pus ptite bièstrîye si paye rik-rak. Avant chake passaedje, dji prind ène "douche", dji xhoûte dèl muzike. Èt dji saye di wârdèr m' foûme; dji frékente trwès soçes di djimastike, deus à Brussèles èt iène à Mont." Si vos volèz don doner vosse vwè à on ome Bén prope dsus li, vos l' conxhèz...

**È l' Irak, ça s' rapontîye pigote à migote**. On "tchampète politike" di s'mèstî, Abdalâ al-Jâf, mètu on tims à l' amigo pa Sâlam (k' avève sès tièsses èt è kandjève sovint come d'idêye, parèt-i), vént d' rivnu au djoû. I vout riprinde si place è l' Irâkinne Sûrètè : "Dji n'sé rén fé d' ôte, a-t-i dit. Po c' cougne di bouye i vos faut ièsse malén. C' èst come çoula ki dj'a sorviké." Alèz, tot va Bén rade î d' aler mia èt racatoûrner à môde di djins.

**C'èst l' vraîy k'i va fé bon viker vèla dins tot l' vichnauve**. Insi, è l' Irâne contrêye d' Yâsd (c'èst dins l' mitan do payi da costé), Gohâr Kheirandish, ène feume ki djouwe dins dès films, s'a lèyî d' aler à bètchî dsus l' front Alè Zâmani k' èstève bistoké po on bé toûrnaedje. L' sins-onte va s' fé flayî di 74 còps d' mârînet.

**A Bèziktâs, k' èst à l' ôte frontîre**, on djouweus d' bale (au pîd, nèn au ptit tamis) l' avève mètu au fond dès filèts. Tot contint d'li, il a passé s' mwin dins si scançon èt z-î sinte si sès bulokes èstîne todi Bén à place. L' Prèsidint dèl soçe l'a tapé à l' uxh po "mwêje postûre". Kwè va-t-i-t-ariver au cia ki, à Bâgdâd pa padvant dès

gazètîs, a rilèvé s' djèlabâ èt tchoukî on portrèt da Sâlam ? On n'sé mây.

**È l' Almagne**, l' linwiste di profèsseus Burkhardt vouvéve royî di s' linwaedje lès mots èprustés à l' inglès. Insi, à l' place di "ticket" i vouvéve k' on-î ûze di "biyèt", di "cârton" à l' place di "box", di "pwinte" à l' place di "gag", di "d'akwârd" à l' place d' "okay", d' "ètikète" à l' place di "label" èt di "rausse" à l' place di "boom". Vêci on bèrdèle co po on mot ki rèxhe d' ène ôte place di Walonîye èt nèn do "cru", s' apinse Clèyante.

**Do tîns k'on èst dins lès "boycott"**, avîz sintu k' RABULÈTS s'a fwarçî à nèn ûzer d' clïkotas trop mau èBushîs ? Sakants samwinnes sins pont d' arincrin : falève passer pa Foûlouk è Yâhou. Sins Nârton po bârer lès wèrbias, c'n'èst wêre auji non pus. Po mougî, falève rèlire lès bwèsses di dinrêyes sins caurlaedjes è dolârs. Po bwâre, on n' polève nèn s' rabate dsus l' vodka (après tot, i n' faut nèn roviyî lès Tchetchonnes), ni nos cauzèz nèn do pèkèt-Mèccâ on n' si vwè nèrén s' rafiîyî dimwin d'on cati d'Vêt-Vâican Èdjalé-té o d'on Gange-cassis... Èt vos, k' avèz fé ? Pinsèz k'lès cias k'ont lès liârdès ?...